# مشاعر حيرانة

الكتاب: مشاعر حيرانة

♦ المؤلف: أشرف مقلد

♦ مراجعة لغوية: عزيز عثمان

❖ تصميم الغلاف: د.شيماء أبو طالب

💠 تنسیق داخلی: مریم محمد سید

♦ رقم الإيداع: ٢٠٢١/٢٦٨١٤

💠 دولى: 0-23-977-6914

\_\_\_\_

المدير العام: عزيز عثمان

لمراسلة الدار: daralmuntadaa@gmail.com

واتس آب: ١٠٠٥١٨٦٤٧٦.

صفحة الدار على موقع فيس بوك:

https://www.facebook.com/دار-المنتدى-للنشر-والتوزيع-

/1.0017770779.17

جميع الحقوق محفوظة





# مشاعر حيرانة

الشاعر أشرف مقلد



#### إهداء

إلى أصحاب الفطرة السليمة والقلوب الوفية والنفوس الزكية، المعذبين في علاقاتهم والمصابين في مشاعرهم بسبب إخلاصهم وصدقهم ونقاء سريرتهم أهديكم هذا الديوان

أشرف مقلد

# الفهرس

٠.	إهداء
٩	الحــــب
١.	صباح الخير
۱۲	اطلبيني هنلاقيني
10	مراية الحب
۱٧	المتاح المستحيل
۱۹	خلاص بَطَّلْتُ اعيش مظلوم
۲۱	ارحلي علشان أعيش
۲۲	حوار القلوب
۲۳	الحب بيعه
70	بَكْرَ هِكْ
۲٧	سنين فاتِتْ
۲٩	عتاب على شط الزمن
۳١	طبع الحياة
٣٣	مش هموت بِحُبِّك
٣0	هستناك
٣٦	كلام في الغزل
٣٨	غرورك
٤١	سكة النسيان
٤٣	ماتصدقیش وماتز علیش
٤٥	كل اللي عندي اتقال
	أشر ف مقاد 7

ــــــــــــــــــــــــــــــــــــــ	
	أو هام الحب
	أوقات
01	والله ما كان يستاهل
	رمين قالك
	كفايه
	القلب الإزاز
	من حياء القلب
	غُلْبِيغُلْبِيغُلْبِيغُانبِيغُانبِي
	 العروض لساها سارية
	رَيَّح ورَوَّح ورُوح
	خساره فیکي
	المجاريح
	الحاوي
	صباح الخير
	ريحت <u>ا</u> ك وطعمِك
	نلبي متابش
	كان ف إيد <i>ي</i>
	دون مکیاج
	وَ احْدَه في وسط البَشَر

#### الحـــب

ولهيب وليل نقضيه مرار الحب مش أشواق ونسار إنسان يخلى الكون عمار الحب إحساس بالوجيود وكلام قديم وكلام جديد الحب مش موال نعيد إنسان يخلى الليل نهار الحب تحطيم للقيود وساعات خصام وساعات رجوع الحب مش معناه دموع الحب إنسان له قرار ولا تورته وشوسة شموع ولا عيشه هانعيشها ف تبات الحب مش سكر نبات وساعات تكون ضحك وهزار دا حیاة نعیشها ساعات آهات يتمنى شيء وبنول مناه الحـب مـش طفل ف صـباه أطفال وأسره وزوج ودار الحب تعبيد للحسياة

# صباح الخير

على عيونك ..... صباح الخير على جفونك ..... صباح الخير على قلبك ..... صباح الخير على حبك ..... صباح الخير دا روحك أجمل الأرواح وقلبك منبع الأفراح بحبك حبى لحياتي بقيتها واللي ولَّي وراح صباح الخيريا حلم كبير يا غنوة صبح للعصافير يا تجبيرة لقلب عليل وتكبيرة وصوت تهليل صباح الخيريا روح الروح يا عطر آسرني فين ما بروح

أشر ف مقلد \_\_\_\_\_\_ 10

يا بدر في ليلي يهديني وفرحة تنسى قلبى النوح صباح الخير على ايامك وأحلامي وأحلامك دا انا في الحب دروبشك يا أغلى الخلق بمقامك دا لو ليلي لها المجنون أنا في الحب مجنونك ولو عزة لها المفتون أنا في العشق مفتونك ولو كل البشر غاويين يعيشوا في الحياة أحرار أنا من دون جميع الناس أحب حياتي في سجونك صباح الخيريا أحلى كاس صباح الخير على عيونك

## اطلبيني هتلاقيني

لما تحتاجي تشوفيني

انت عارفة ازاى وفين

اطلبيني

هتلاقيني

كل يوم وبا الصباح

بندب العمر اللي راح

في طريق بحر الأنين

ف العصاري

مش هداري

هتلاقینی بطفی ناری

بالبكا ف أرض الحنين

ف المسا والمغربية

ببقى تعبان م اللي بيا

لما اشوف شمسى ف غروبها

والسما دم ف دروبها

مشاعر حيرانة

هاتلاقینی ع الیمین جوه صف المغدورين لو تحبى انك تشوفي حالى ف الليل الحزبن أنصحك إنك تزوري ناصية الهم المبين هتلاقینی ف کل لیلة بفرد الضهر الجريح جنب سور زي الضريح من عذابي وطول غيابي في طريق ذل السنين اطلبيني ف أي ساعة هتلاقيني ف انتظارك خَطِّي مش مقفول إشاعة من هواكي واختراعك

أشرف مقلد \_\_\_\_\_\_ 13

بس لما أرد دايما هتلاقینی مش ببارك ولّا بشكر ف اتصالك هتلاقيني بَسِب وألعن كل أيامي اللي فاتت وتلاقيني بقول لقلبك خطتك باخت وباتت بعد لما دبحتي قلبي المشاعر فيا ماتت يعنى لو فرضاً وجدلاً ناوي أحب! هحب مين؟ أو هجيب له شوق منين؟ اقفلى الخط وسلام بس لو عاوزه تلاقینی انتي عارفة ازاى وفين

### مراية الحب

مراية الحب مش عامية مراية الحب مكسورة وبتغير كتير جدا في كل ملامح الصورة دى بتزوق في شكل الناس تخلى العوره أمورة وتعمل م الإزاز ألماس و م الكركوبة سنيورة وبتزور طبايعهم وبتزيف خلايقهم وبتزين مساوئهم وبئس شورتها من شورة مراية الحب غشاشة تقول ع الزاطلة شطورة وأم عماصة وعماشة تشوفها تقول دى غندورة

أشر ف مقلد \_\_\_\_\_\_ 15

\_\_\_\_\_مشاعر حيرانة

مراية الحب مش عامية ولا بلورة مسحورة مراية الحب كدابة ونصابة ومأجورة

### المتاح المستحيل

أنا قلبي ليك دايما يميل یا حب مش محتاج دلیل ده انت المتاح المستحيل وانت الونس في ليل طويل باقضيه أفكر فيك وليك وأكلمك في حوار جميل فيمر ليلى بدون ما أقول إنى بعيد عنك ذليل وإنى في قربك برده أخاف ترجع في حبك أو تميل ما هو أصل حبى ليك جبان وخفيف وطبعك فيه تقيل فيا ربت كفاية خطط أمان وتحن على قلبي العليل جرب يجوز حبة جنان يحيوا الهوى وبشفوا العليل

أشر ف مقلد \_\_\_\_\_\_ 17

\_\_\_\_\_مشاعر حيرانة

ويا ريت كمان حبة حنان من قلبك اللي ملوش مثيل على قلبي إللي بدون هواك هيعيش مريض ويموت قتيل

# خلاص بَطَّلْتْ اعيش مظلوم

أمانة عليك يا حب قديم تسيبني أفوق وتبعد عنى مراسيلك وذكرى الشوق أمانه تعيش بعيد عني ولا أشوفك ولا تشوفني وتنساني ولا كإني قابلتك يوم أمانه تروح وتنسى اني ف يوم حنيت وحبيتك وإنى وهبت لك حضني تلاقى فيه راحة ببتك كفاية عليا م الأحزان ومن تعذيبي والحرمان ومن إنى أبات سهران

\_\_\_\_\_مشاعر حيرانة

شهور وايَّام ما ادوق النوم كفاية أسِيَّة ومواجع أنا سيبتك ومش راجع فمهما تنادى مش سامع كفاية العمر ضاع ف هموم كفاية عليا م الأهوال يوماتي تكرر الموال أبات وأصبح في نفس الحال عتاب وخصام رعود وغيوم بلاش تكدب وتدي وعود دا انا فايق ومش موهوم لظلمك قلبي مش هيعود خلاص بطلت اعيش مظلوم كفاية العمر ضاع ف هموم

# ارحلي علشان أعيش

ياللي قلبك من حديد غَدْرُه بيا كان شديد وَعدِك اللي قَلَب وعيد خلا حبي ميساويش غضب عني وماتلوميش لازم انتى متكونيش

في حياتي مرة تانية فارحلي علشان أعيش

ارحلى علشان أعيش

يا أسايا ويا دوايا يا شقايا ويا هنايا

يا طموحي ويا منايا ليه تبيعي متشتريش؟!

ارحلي علشان أعيش

خدتي قلبي رهن عندك عبد أفكارك وعِنــدِك

عن هـوايا صايْنَه قلبك بس قلـبي مبتصونيش

فارحلي علشان أعيش

كل لما بحاول أهرب بحر حبك ليا يسحب

من هـواكي قلبي يتعب وانتي قلبـك ميعـانيش

فارحلى علشان أعيش

سيبي قلبي باللي فيه من سنين قلبك راميه

جایه دلوقت تلومیه انت ایه؟ مبترحمیش؟!

ارحلى علشان أعيش

### حوار القلوب

لما الكلام ابتدا بين قلها وقلبُه طلب فؤادها الرضا وإنه ينول حُبُّه وحلف بإن الفضا والطير على الأغصان شاهدين على حيها وأنسها ف قرئه قلبه ابتسم وإنشرح لما سمع منها ونظرته م الفَرَح باست جفون عينها ومهجته اتحركت وعيونها شايفنها قالت لها مَدِّكم في بحركم ساحبه سألوها ليه السكات ما البحر ساحبنا والعشق موجه هجم حطَّم مراكبنا فليه نسبب نفسنا ونسبب حبايينا في البحر من غير شراع يحمينا من رعبه قلبه أخيرا نطق مَيّل على قلها وقاله إنه مشى سنين على دربها مستني إنه يبوح بإنه بيحيها وانه ف هواها رسى ورمى عليه هلبه

أشر ف مقلد \_\_\_\_\_\_ 22

### الحب بيعه

في الحقيقة الحب بيعه بالحسابات السرىعة احتمالات الخسارة فها أكبر م المكاسب ليه بلاقي نفسي دايما مجبر إنى فيه أحاسب ع الزعل قبل الفرح والنكد قبل المرح والعلاج لما أَنْجَرَح من خيانة حب غاضب حب يدخل جوه روحنا يزىد ف نوحها حب بيكتر جروحنا وبستبيحها حب بيوقف حياتنا وبطفى ربحها حب بِيقَطَّع قلوبنا بالمخالب الراحات ف الحب وَهْم ياما عاشُه ناس وناس

في النهاية الهرّم ضَم الأحِبّه في شُرب كاس كاس خيانة م الحبيب من قلوب رفضت تسيب قلب غيرها يا ناس يطيب أو يعيش لحظة خلاص الخلاصة الحب بيعَه واللي باع قلبه ببلاش بكرة أحلامه البديعة إنه يحيا ف انتعاش تنقلب أسوأ كابوس لم يلقى حبيبه باعُه مرة علشان حد تاني ومره علشان الفلوس

يصحى على قلبه اللي عاش

جوه طاحونة تروس

ف النهاية مات حزبن

والجنازة بدون طقوس

## بَكْرَهِكُ

ياللي عذابي عَندِك هواية يا فرحى وأسَايَه ولُغْزي وحَلِّي ياللي هواكي غاية وغواية يا عاشقة البداية ودايما تِملِّي بكره خضوعي وضعفي ودموعي وَأَكْرَهِ رجوعي لحبك تَمَلِّي وبكره إنى أطلب ودادك واغازل فؤادك وأطلب تِحِنّى تزيدى ف بَعادِك وحالة عنادِك واحس بسُكُاتِك قاصِد يهيني فأكره خضوعي وضعفي ودموعي وَاكْرَه رجوعي لحبك تَمَلَّى قلبي بيضحك وقلبك يكشَّر فأكْرَه محبة قلبك لِذُلِّي وأندم لمَّا في حُبِّك أكَتَّر

أشر ف مقلد \_\_\_\_\_\_ 25

\_\_\_\_\_مشاعر حيرانة

وانتى في حبى دايما تِقِلِّي فأكْرَه خضوعي وضعفي ودموعي وَاكْرَه رجوعي لحبك تَمَلِّي وبكره سكوتي ساعة كلامك لما تقولى: ده قالى وقالى ولما ألومك ألاقي غيومك وثورة هجومك تشيل لم تِخَلّى فاكْرَه خضوعي وضعفي ودموعي وَاكْرَهِ رجوعي لحبك تَمَلِّي ورغم إنى دايما ضعيف جنب منك ورغم التفاني في حُبّك وإنك بتعاندي حبي وتسيئي ظنك بوفي له حَرّك وتخوني ضِلِّي فاكْرَه خضوعي وضعفي ودموعي وَاكْرَهِ رجوعي لحبك تَمَلِّي

# سنين فاتِتْ

سنين فاتت وأحلام الرجوع ماتت وحتى النِّفْس ليه باتتْ لكن لسه الغرام موجود واحشني يا خاين العِشْرة يا عِلُّه صابتني واستشري مرضها ف قلبي م القشرة للب الروح بدون مجهود خيالك جوه أحلامي وصورتك ماليه أيامي وسيرتك حلوه في كلامي وإسمك للسماع منشود وبتمنى تعود تاني فعقلي يقولي ده الجاني غَدَر بحياتنا في ثواني وباما خان عهود ووعود فاحاول أبْعِد الماضي ألاقي قلبي مش راضي ومتعشم على الفاضي

بانك توفي ليه وتعود وع الحال ده شهور واعوام فؤادى مصاحب الأوهام ورافض يتنقل قدام وإنا رافض هوايا يسود سنين قضيتها بيك ولهان سنين تانية وانا غضبان ودلوقتي بعيش حيران ما بين الوعد والموعود نواح ناحت مشاعري بس ما ارتاحت ولا عن حزنها انزاحت ولا قابلة تعيش ف صدود سنين راحت ملامح حبنا ساحت ورىحة الكُره فيه فاحت وجَرْحُه ف نفسى مش مَحْدود لكن لسه الغرام موجود

### عتاب على شط الزمن

على شط الزمن وقفت تِناجِي عمرها الضايع بإن الهم بقى فايض وإن القلب مش سايع وان الحب وَهْم عجيب بيخطفنا بدون ترتيب وبيدخلنا في الألاعيب وبيبعنا لـ ١٠٠ بايع سألها العمر طاب وانتى؟ رضيتي ليه وليه هُنتي؟ قالت له طيبتي أو خيبتي وبمكن قلبنا المايع سألها الحب: وإيه جابك؟ وایه لمك على احبابك؟ قالت له حظنا اتشابك

أشر ف مقلد \_\_\_\_\_\_ 29

\_\_\_\_\_مشاعر حيرانة

غلطنا وكان غلط شايع فجالهم رد م الماضي كفاية عتاب ع الفاضي كلام الحب سيف ماضي وكله بيرضى بيه طايع

### طبع الحياة

كل الساعات استعجلت وقت الوداع كل الثواني اتلكعت وقت الرجوع الفرحة دايما تنتهي بعد اندفاع والوقت دايما ينتظر كل الدموع ياحب ليه وَرْدَك دِبِل قبل الأوان؟ والشوك يطوَّل ف القعاد؟ والكُره ليه يملا المكان؟ ليه البياض يقلب سواد؟ أمر الحياه دايماً عجيب بنلتقي من غير ميعاد فجأة الحبيب يصبح غريب ملهاش مبادئ ف البعاد ملهاش مبادئ ف البعاد

\*\*\*

كل القصص ف الحب تاهت والحكاوي سيبوا المواويل اللي باخت والغناوي الغناوي الحب كاس جارح ومنه كتييييير شكاوي واللي يصيبه الحب يبحث عن ... مداوي

الحب طبعا شيء جميل بس الحياه كارهه الأحبه يفرحوا فالبخت لازم يوم يميل فيتعبوا وبتجرّحوا وبنسوا أي كلام قالوه وبنسوا أي مكان زاروه وبنسوا ربحة الشوق وطعم التهيدات وبنسوا ليلهم اللي كانوا بنسهروه وبحل بعد الشوق فتور فاللهفه تبرد في الغياب والضحكة تهت في الحضور شرع الأحبه مستحيل يبقوا صحاب يمكن نعاني ف البداية م الفراق والوقت يبقى تقيل بطيء بس الزمان دايما يعالج كل داء بعدين بنبقى ذكربات عشق وعشيق واللي ف وجودهم كنا بنعاني اشتياق ممكن رحيلهم يبقى شيء من أي شيء طبع الحياه دائما تدوقنا البلاء وكيفها دايما تقتل الحب البريء

# مش هموت بِحُبِّك

أنا لو هموت النهاردة

يبقى إسمي ميت بَحِبِّك

ولأني كاره لحُبِّك

أفَضَّل إني أعيش

الحب أصلا مُشاركة

مش حد يغرز ف بِركة

فيعيش يعافر ف عركة

وجيش يحارب ف جيش

زى أما كان له بداية

حبك أكيد له نهاية

هَفُك عنه الحماية

فَيْدُوب وبصبح مفيش

على إيه أعيش عبد عندك

\_\_\_\_\_مشاعر حيرانة

ولامتى هركع لِعِنْدِك

خلاص نويت اني أصدك

واخلي كِبْرِك يطيش

ما انتي فرضتي الوصاية

مررتي حلو الحكاية

نكدتي صبحي ومسايا

ولبستي وش الشاويش

#### هستناك

بعدنا والزمن خلاك غربب عنى وأنا بهواك أعاني آلامي والوحدة وبمنعنى البعاد رؤباك وبمنعني الفراق منك ويمنعني الهوى غيرك وأعيش عشمان ف يوم إنك تعود تاني لحضن هواك بشوف الدنيا بَعْدَك بُور وأشوفها ضلمة لو ف النور وافَضَّل إنى أموت محسور ولا إنى أكون لسواك وهستناك ف جنة عرضها السموات جايز لما نروحها هناك يكون لى نصيب أعيش وباك

# كلام في الغزل

هافف عليا الغزل وإنى أقول فيكي كلام كتير يتغزل مناديل تحليكي هافف عليا الغرام أشعاري تحكيكي وأجيب منين الكلام اللي يحاكيكي هافف عليا أقول إنى بحب ملاك والعمر بيه موصول سبحانه مين سواك خایف علی مہجتی من لهفة الولهان دا البعد مش سكتى

ولا إنى أكون تقلان حبیت حیاتی معاکی وعشقت أعيش ليكي دي الشمس في رؤياكي والبدر ضي عنيكي دا انتي الجوى ف الهوى والموجة والإعصار وأنا اللي قلبه انتوى على مذبحك ينهار أنهي الكلام إزاي والحب رايح جاي زي الهوى في الناي يشجيني أغنيكي

#### غرورك

يا راميني في بحورَك قلبي عمره ما كان أسيرك ليه فاكرني عَبْد عَندك؟ ولَّا عنْدك زاد ف جُورَك؟ من غرورك كاره إنى أحب غيرك ناكر إنى سليت حضورك من شرورك ليه حابسني كإني طيرك مانع إنى أعدى سورك زي ما تكون مشتريني أو وارثني ومشتهيني إنى أقضى عمره كله تحفة محطوطة ف ديكورك وقت فرحى يزبد أساك وقت ضعفى يبان سرورك ف المنام على طول تزورني تطلب إنى أوام أزورك أَفْتكر انك هاجرني

أشر ف مقلد \_\_\_\_\_\_ 38

وان غضبك طفى نورك وَافْتَكَر ظلمك وحيفك أكره إنى أكون سميرك وأرفض إنى ألبى طيفك واني أبقي ضل سيرك من غرورك فاكر اني بَدُور ف فَلَكَك وانى مستنى ظهورك وان قلمي ف نفسه يكتب الغرام شِعْر ف سطورك وان خيلي لسه ناويه في الهوى تعبر جسورك وان قلبي لسه قابل الجروح من شوك زهورك لأ خلاص ده القلب تاب والأسى بدد عطورك والصداع من راسي غاب وانتهیت عن کاس خمورك عقلى صحصح تانى فاق من خداع دخان بخورك بعد هجرك والفراق اكتشف غشك و زورك نفسي بس إني أعرف بعد نصرى؛ ايه شعورك؟

نفسي أفرح فيك وتعرف ان كِبُرك شَال جُدورك من ترابي ومن حياتي واني مش نمره ف طابورك ولّا ضحكك عندي يفرق ولّا يشغلني فتورك الوداع ..... وياريت تخفف من الغرور ... وتعيش ف دورك

\*\*\*

أشرف مقلد \_\_\_\_\_\_ 40

#### سكة النسيان

مكانك في الحياة موجود لكن قلبي مفهش مكان وحضني إللى كان مفرود طواه الهجر والنكران بنتكلم ومش فاهمك ولا عارفك ولا حاسك ولا حابك ولا كارهك لكنى أكيد منيش فرحان زمان كان فَرْجي بيك مرهون ودلوقتي معاك وبدون بحس بحزني فيا عيون تروي دموعها ١٠٠ فدان وجودك والعدم واحد وقلبك في العذاب جاحد ورغم انی ببان صامد

أشرف مقلد \_\_\_\_\_\_ 11

لكن قلبي معاك هلكان

فطلبي بسيط ياريت تقبل

تسيبني ف سكتي وترحل

دا جايز أجيبها م الأول

وأمشي في سكة النسيان

#### ماتصدقيش وماتزعليش

لو قلت لك إني بحبك

صدقيني

لو قلت لك إنى مسامحك

صدقيني

لو قلت لك

إن احنا ممكن من جديد

نرجع لحالة حبنا

نرجع للمة شملنا

نرجع لشوقنا ف قربنا

ماتصدقيش

وماتزعليش

أصل الزمان

دار دورته

ويا الشيطان

وإدا الشيطان فدان حطب

وإداه كمان

كبريت شديد الاشتعال

اسمه الغضب

قام الشيطان

بالخبث غيّر ف "الِتكِت"

وكتب عليه "كبريت أمان"

وإداكي منه ١٠٠ "باكيت"

خلاكي حبيتي اللهب

واداكي فوقه بدون تمن

تشكيله

شك على اضطراب

ونشر ظنونه السيئات

ونشر ضلالات الضباب

خلت حياتنا بدون سبب

بعد المحبة والسرور

صبحت عذاب

وبحقده وبقلبه المربض

شاور عليا من بعيد

وكتب وبالخط العربض

"هذا المكان محتاج ثقاب"

## كل اللي عندي اتقال

كل اللي عندي اتقال وعيدته ١٠٠ مره وانتي بنفس الحال وتقولي أنا حره طاب انتي حره ازاي وانا فیکی متقید؟ ولّا أكونش ديكور في حياتك اتزَوِّد؟ ممكن نكون أحرار لو كنا مش عشاق لكن رباط من نار ربطنا بالأشواق كل الكلام اتقال هعيده تاني ليه؟! عَمَّال على بطال

طاب والنتيجة إيه؟!

إنتي دخلتي طريق

الهجر والفُرْقَة

وأنا اللي كنت بريء

ومفكرك صادقة

خلاص كفاية كلام

وكفاية أَخْدْ و رَدْ

آخر كلامي سلام

أنا مش هطاطي لحد

## أوهام الحب

كل اللي كتبته في أوصافك كان زىف وضلال أوهام الحب بتخدعنا أغلبها خيال بعتيلي الوهم وخنتيني وضربتي مثال في الغش .... وكنت ناحت لاسمك ف الروح تمثال كدابه .... وكدبك كان باين دايما بوضوح والكبر ف طبعك كان جاحد فوق المسموح ومكنتش محتاج عشان افهم ابدا لشروح لكنى عميت أصل العاشق عقله في أعطال فكرت الحب هينفعنا في خريف العمر وان الأحلام هتجمعنا ويهون الأمر أتاريها قصور كنت بانهاع الشط برمل وهجمتي بغدرك على حلمي فنتيه في الحال الجرح الجاير جوايا خلاني يدوب

أشر ف مقلد \_\_\_\_\_\_ أشر

قشايه بيحرقها أسايا ف ثواني تدوب دخاني اتسرسب لسمايا يشكي المكتوب قالت له استحمل ده نصيبك ..... والعشق أحوال موال الحزن انا كتبته ..... والحبر دموع وعذابي ف حبك ..... ١٠٠ شكل ونوع وعاتبت فؤادي وحذرته ما يعيش مخدوع والحب بسببك طلقته وارتاح البال أنا عشمي بجد وم الأخر يا حبيبة الشوم انك هتلطي حجر داير ويجيلك يوم تفتكري خيانتك وتدوقي احساس المظلوم وتحسي بذلي وبشماتة كل العذال

## أوقات

أوقات ف خلافنا بنتخانق ونهدد اننا هنفارق ونقول ولا هامم ولا فارق الحب ف شيء وباخدنا الكبر وبعنادنا نتحمل هجرنا وبعادنا وبزبد الحزن على فؤادنا وبزيد الضيق وساعات نتعاتب ونسامح وندوس ع الكِبر ونتصالح ننسى امبارح وأسى امبارح وبفوز الشوق الحب بيحتاج حنية ومسامحة وتحسين النية وبيكره فينا الأنانية

وبحب الذوق

والحب ساعات بيكون فارس

لقلوب بتعاكس وتشاكس

يحضنها كإنه ملاك حارس

وياخدها لفوق

وساعات بتعافر وتكابر

وتزيد ف العند على الآخر

فالحب بيهرب ويسافر

وبموت مخنوق

## والله ما كان يستاهل

والله ما كان يستاهل ان انتى تخونى عشانه وتبيعي الحب الطاهر وتحبى الندل مكانه ولا كان يستاهل انك تتغاشمي وتقسى عليا وأنا عشت حياتي بَحِبّك وبادلتي حناني أسية اخلاصي ف حبك باين لكن قلبك كان خاين ادانى كلام ومظاهر ونصب لي فخاخ وكماين والله ما كنت أستاهل الذل وكسرة نفسي دا انا قیدت صوابعی مشاعل

أشرف مقلد \_\_\_\_\_\_ 51 \_

يمكن بالحب تحسي أتاريني بوَلَّع روحي وبَرَوِّد جرحي وبوحي فتروحي فتروحي فتروحي فتروحي وبتيجي عليا وتقسي أنا تبت خلاص عن حبك وهجرتك انتي وقلبك علشان انا حاسس إنك الأصل في بؤسي ونحسي

#### ومين قالك

ومين قالَّك بإن الحب يستاهلك ده لو ضرب الرصاص علك فدرب العشق لك أهلك عشان قلبك من الصادقين تلاقى الدنيا تندهلك وتحلفلك بألف يمين بإنها ناوبه تضحك لك فتتعشم ف وعد حبيب بإن الغالي يرخص لك وإن الحظ مهما يغيب هيفضل ليك وبخلص لك فتصحى م الكابوس مفزوع على حبل الأمان مقطوع فتفهم إن حبك ضاع ما بين الشفوي والمطبوع ومن قالك بإن الحب بيوقي وإن العشق بيكفِّي

أشر ف مقلد \_\_\_\_\_\_ 53

عشان تبنى لقلبك بيت يضم مشاعره وبدقي حبال الحب بتْقَصَّر وربح الحب بتكسر مجاديفك وبحر الشوق رباحه شديدة بتدمر ومين قالك بإن الحب موصوف لك ده فخ كبير ومنصوب لك ولما تحط رجلك فيه هيكسر بالعذاب قلبك وترجع منه بالذكرى كاره ماضيك خايف بكرة ومتشبع من الفكرة بإن عذابه مكتوب لك

#### كفايه

يا شغلالي فكري في صبحي ومسايا يا شمسى وقمري ودائى ودوايا بعد البداية بجرحي وأسايا كتبتى بنفسك سطور النهاية نهاية حكاوى ولا ألف ليلة بأحلام جميله ف هواكي وهوايا بأشواق وغيرة وأفكار كبيرة وسيره ومسيره معاكى ومعايا طربق السلامة يا جارحاني يَامَه لا هابدى الندامة ولا ابكى بكايا إذا كنت هَرْخَص بيكي وعَندِك وهفضل ضحيه لكبرك وعندك يبقى بناقص حُبك وودِّك هبَدِّد غيومك واصَّفِي سمايا

أشر ف مقلد \_\_\_\_\_\_ 55

كفاية عليكي حبي وودادي

وكفاية عمري فنيته بَدَادي

ف قلبك وسهمك بيجرح فؤادي

يشيّب شبابي ويمسخ صِبَايا

أنا بعد إذنك همشى برضايا

وهرحل وهطلب ليكي الهداية

دي نوبة وتوبة

أعود للغواية

ف حبك وتوبة

أعيد الحكاية

كفاية

كفاية

#### القلب الإزاز

لما انتَ قلبَك من إزاز ليه رميته في إيد غلط وإزاى تسيبه لكل قاسى قلبه أنشف م الزلط وإزاى تقول للقلب أصبرع الجراح دا الحب جاى وبكره يطلع لك صباح وبكره سجن السهد يوسع تلقى بعد الضيق براح وتحطه ع القضبان يعانى م اللي عاني منه تاني كل ده علشان سيادتك ترضی نفسك یا أنانی وتدخله دور الإعادة رغم إن السابقة كانت الجراح فيها بزبادة والمشاعر منها عانت

أشر ف مقلد \_\_\_\_\_\_ 57

هو يشرب حزنه سادة وانت متعشم زبادة إن ممكن مره تفلح والإعادة تجيب إفادة والنتيجة في إعادته يرجع المغدور كعادته قلبه مكسور بعد لما خدعت الأوهام سيادته يا جربح الحب توب خلى قلبك منه يشفى ده الغرام مليان عيوب عمره منها يوم ما يصفى جَنِّب الأوجاع فؤادك لو حبيبك كان مرادك خلى قلبك في الأمان وادى للمحبوب ودادك

#### من حياء القلب

من حياء القلب ومخافة الملام بيلف حوالين المعانى بالكلام ولما تتفتح الحكاوي في الغرام يتمنى لو يُذْكُر حَبِيبُه والسلام وبجيب حجج عشان يقول اسم الحبيب وبيبتهج لما الكلام حواليه يطول دايما يكرر اسمه فالمهجه تطيب وبسيرته تحيا الروح والأوجاع تزول وبذكره دايما ينتعش فيه الهيام أصل الحبايب مهما يخفوا سرهم الشوق بيفضح في المجالس سترهم مهما الكلام قَرَّب ومهما يكون بعيد يتسابقوا إن يجيبوا سيرة بعضهم والعين تحط القلب في وضع اتهام العشق مبيخفاش ولا يمكن يغيب له ربحه معروفة وله ملمس غربب وبسمه جوه العين وإشارة مرور تفتحها ودن العاشقين لاسم الحبيب وتقوله سوق القلب لو من غير لجام

# غُلُب غُلْبي

غُلُب غُلْبي معاك ياللي مَايِلُّك وانت بتميلي لكن دايما ف قلبي تعيب تقولى استنى وتسيبني ولما أغيب بتطلبني ولما أحضر تملى تغيب تِقرَّب يوم تعشمني فتهجرني وترعبني بحبك ليه بتتعبنى؟ وليه تلاعبني بالألاعيب؟ وليه في الحزن والأتراح ووقت الضيقه بتضيفني؟ لكن مع هلة الأفراح بكل بساطة تحذفني وبتحسسني إني غريب

ده انا عشت الحياة ملاح في بحرك وانت تضعفني وبتزود فؤادي جراح وترفض حتى تسعفني وبتسلمني للتعذيب بَحِبَّكْ ... بَطَّلْ الألاعيب

#### العروض لساها سارية

العروض لساها ساربة سهل جدا روحوا بيعوا يللا خونوا ف ظرف ثانية وإنسوا تارىخنا جميعه زبفوا وعالأصل بانوا وشوهونا وقولوا خانوا وقولوا دول كانوا وكانوا وألفوا الأكاذيب وذيعوا وشوفوا بعد الهجر غيرنا واخدعوه بكلام يدينّا وبعد ما يحَصَّل مصيرنا احرقوا زرعه ف ربيعه ما انتو أصلا من سلالة راضعه من بير الندالة والخيانه كانت كمالة

أشرف مقلد \_\_\_\_\_\_ 63

وكل صوت غدار تطيعه فالعروض ع الكدب ياما وكل عرض وله علامة بس أخرتكو الندامة بعد ما غروركم تطيعوا ما العروض لساها سارية سهل جدا روحوا بيعوا

# رَيَّح ورَوَّح ورُوح

رَبَّح ورَوَّح ورُوح للى ملاك بالجروح واوعى بضعفك تبوح قوله انت ماضي وراح دا انت الوحيد اللي تقدر تحفظ مقامك فقدَّر قيمتك وهيبتك وصَدَّر إنك عزيز مش مباح وانت الوحيد اللي ممكن تمشى ف طربقك وتركن وانت اللي ممكن تِسَكّن ألمك وتشفى الجراح فارمى وراك كل شيء يعطلك في الطريق مع كل مغرز وضيق

أشر ف مقلد \_\_\_\_\_\_ أشر

تلاقي روحك براح فاياك تدوب في الدروب أو تمشي خلف القلوب رأي القلوب م العيوب وطريقها آخره النواح فاقلب وشقلب جميع اللي ف وجودهم تضيع ده انت الكيان المنيع وانت الربيع والصباح

### خساره فیکي

خسارة فيكي عمري اللي راح ف حبي ليكي وخسارة فيكي نظرة سماح مني لعنيكي وخسارة فيكي قلبي اللي سبته ما بین ایدیکی مليتيه جراح فكمدتي روحه وزوّدتي نوحه وخنتي طموحه فضاق البراح وخسارة فيكى

خوفي عليكي

يا واكله شبابي

وراضيه بعذابي

منك وبيكي

وخسارة فيكي

حبي وطيبتي

وظني بإنك

حقيقي حبيبتي

وإخلاصي ليكي

وخسارة فيكي

كسري لغروري

وصُوني لحبك

ف غيبتي وحضوري

لعلك تصوني

لكن ظنوني

كانت سراب

رضيتي تخوني

ورحتي لغيري

فخسارة فيكي

حتى الحساب

قلبي خلاص

كرهك وتاب

لا عاد للمحبه مكان ف الضلوع

ولا عاد ف عيني ذرة دموع

دا انتي رضيتي

خيانتي فهونتي

عليا وبقيتي

برخص التراب

فخسارة فيكي

كلمة عتاب

وخسارة فيكي

أعيش في العذاب

## المجاريح

الحب لو بيعَة أرواحنا متباعة والحب لو أخبار أخبارنا متذاعة يا زُمرة المجاريح في دولة الأحباب وطيتوا ليه للربح وليه فتحتوا الباب؟ عشان تدوقوا عذاب أشكال على ألوان يملا قلوىكم ضباب تتوه ف كل مكان سلمتوا ليه الروح لموزعين النوح وليه رضيتوا البوح بحبكم لإنسان كل البشر مجاريح وكلهم جارح وكل نفس تبيح الظلم وتقاوح لوكان ف ظلم الغير

مكسب يكون ده العدل وان جه عليها الظلم بتثور كما المالح يا مجروحين بَطَّلُوا الدمع والتنهيد وبَطَّلُوا تِزْعَلُوا مع كل جرح جديد ده المعشوقين عُرْفُهُم يذِلُّوا أحبابهم وبيعشقوا يبدلوا في الحب للتجديد فالحب لو بيعة وكنتو فيه سلعة كفاية إخلاصكم في حب ناس بايعه وكفاية إن الغش فاتكم ولا فاتهمش ف بلاش كلام أو ندش ف قضية مش نافعة وسنين مهش راجعة سيبوا الجروح تدبل وجففوا الدمعة

### الحاوي

هترجع ولا مش ناوي يا خالى القلب ومخاوي فؤادى تلاوعه وتداعبه وبتلاعبه ولا الحاوي بتتقل في الهوى وتبعد بكيفك لو تعوز تعند وتهدم قلبي أو تسند وتجرح وقت ما تداوي غرامك نار وأنواره تشد الأعمى من داره يُدُور في مداره ومساره يرُوح عاشق يعود خاوي يا متقلب ولك أحوال ساعات ساكن سنين رحال تبان مخلص لكن محتال يا سارق عمري في خطاوي

هترجع ولا بعت خلاص؟ وراح فين الهوى بإخلاص؟ فلو شايف ف هجري خلاص لنفسك؟ .... روح ولا تساوي

## صباح الخير

صباح الخير صباح الهنا صباح النور صباح الغِنا صباح حبيبتي المؤمنة صباح جميل ونسيم عليل وصوت بلابل والغُنا صباح جمال عشق ودلال وعطر فايح مننا رغم ان خمسه م السنين مروا على أول لُقا لكني لسه ف الحنين وكأنه أول حينا ولسه بحلم كل يوم إمتى هنتقابل وفين ومين هيسبق قبل مين وإمتى هنوصل بَرِّنَا ولسه بحلم بالحلال ولسه بحلم بالعيال ولسه عايش ف الخيال مستنى ساعة قربنا

#### ريحتِك وطعمِك

ربحتك وطعمك

ولونك

قسمك ورسمك

عيونك

حزنك و فرحك

شجونك

جريك ومرحك

سكونك

حضنك دلالك وصالك

كُلِّك واحشني بحالك

قلبي ندالك وجالك

ردي عليه بعد إذنِك

قلبي عليكي بيدّن

قمرك ينور عنيه

نادَى عليكي فلازماً

تِرضِي تحني عليه

يا حلوة ضميني

صوتك بيسقيني

رمشك بيرقيني

والحلم في إنك

ترضي تحبيني

حبيبتي دا انتي المني

وانت الرضا والغني

لفيت هنا أو هنا

إنتي السّكن والهنا

وانا قلبي فيه مسكنك

### قلبي متابش

لیه دلوقت تحب یا قلی بعد ما قلنا جرح وطاب يرضيك يعنى يقولوا ده قلبه راجع يعشق بعد ما تاب يرضيك برده اتألم تاني واسهر أفكر وأنسى النوم وأرجع من أشواقي أعاني لما الحب يزبدني هموم وأشرب كاس الظلم أنواع مرة ف هجر ومرة وداع وانت ف وهمك عشمان سارح ماشى ف سكة آخرها ضياع انسى العشق ده كله عيوب ياما الدنيا مالها قلوب لما اتصابت بعددت طابت حلفت لازم عنه تتوب

#### كان ف إيدي

عمري يبقى بحاله مِلْكي بس ضيعته ف هواكُ والعشم خدني معاك إنى ممكن أقدر أملك قلب عاصى وألعبان كنت فاكر الحبيب لازم هيخلص للحبيب وان لما يبص قلبه ع الجروح فوراً تطيب کنت حاضر عند قلبك في الميعاد أطلب انه يكون طبيب یشفی روحی من جروحي وبنهى نوحى والنحيب بس قلبك ليا خان

كان ف إيدي

أشر ف مقلد \_\_\_\_\_\_ أشر

لما قلبي عنده هان ضربه سهم سريع جبان والجبان يضرب يصيب فالألم قاتل رهيب

#### بدون مکیاج

يا محلى العشق بدون مكياج مهو أصل الحب مهوش محتاج تجميل بالكحل ولا مساحيق علشان الحب لوحده سراج له نور بيْجِل على العاشقين بيصب شعاع على كل اتنين وبخلى جمالهم يرضى العين فيعيشوا ف بحر بدون أمواج يا محلى العشق يمس الروح بكلام ألحانه تهز الدوح تتمايل لها الروح وتروح على جنة ما لها أبواب وسياج الحب حياة مش أي حياة أيام بتعيد للقلب صفاه ومشاعر تنطق بلا أفواه

أشر ف مقلد \_\_\_\_\_\_ 80

وبتدي لروح الطفل إفراج الحب نعيم من روح الله بتحس معاه إنك في رضاه لو يوم يدعيكم إجروا وراه وادخلوا جنات الحب أفواج

\*\*\*

أشرف مقلد \_\_\_\_\_\_ 81 \_

# وَاحْدَه في وسط البَشَر

وَاحْدَه في وسط البَشر مَالْهَا شَبِيه ولا زَي نورها كإنه القمر وبزيد عليه الضَّي شهاب ظهر فجأة قَلَبْ لِي ليلي نهار ورؤبا ليل صادقه تأوبلها خير وعَمَار القلب قلب مَلَاك موصول بأصل النور البُعد عنه هَلَاك والقرب منه سُرور الحُسْن مجموع بَهَا ف المَبْنَى والمعنى والمسك مصنوع لها

أشر ف مقلد \_\_\_\_\_\_ 82

عن عطره ما استغنى جَمَال وطيبِة رُوحْ وَسَان كما السُّكَّرْ لل بشوفها بُروحْ لي سَكْرَه واتْشَكَّرْ مهما الكُتَّب يوصفوا الحب والأحباب فمستحيل تعرفوا إزاي بَحِب.......

\*\*\*

#### تمت